

杭州八旗駐防營志略

杭州八旗駐防營志略卷八

仁和張大昌輯

分駐志謨

雍正五年十月議政王大臣內閣九卿奉

上諭滿洲兵丁弓馬技勇均屬優長人莫能及惟於水師向來未曾練習是以朕令天津地方設立水師營以教習之今思杭州駐防兵丁旣在濱江沿海之地亦當令其學習水師之事著鄂彌達李衛悉心商酌應於何處設立營房如何布置期於妥協若照潼關之例於杭州駐防之壯丁中挑選充補令其練習庶

於兵丁有益而國家亦得水師之用不知杭州壯丁中足數挑選否亦令鄂彌達李衛酌量欽此

八旗通志

六年二月二十七日杭州副都統偏圖入

覲回浙

陛辭請

訓

世宗憲皇帝詢問浙省添設水師兵數副都統偏圖奏

對浙省添設水師兵須得一千名奉

諭一千似乎兵單須得二千纔好

平湖縣志

四月將軍鄂彌達等題爲欽奉兵部移咨到浙

隨咨會督臣李衛細加酌議查浙省沿海之地
惟嘉興府屬平湖縣之乍浦地方係江浙接壤
東與江南松江之提臣海道遙遠南隔甯波提
臣海道四百餘里此地間於二處之中與省城
海口之鼈子壘甚近臣等相度地勢情形雖內
港不甚寬廣然此地實爲江浙兩省海道咽喉
通達外洋諸國最爲緊要且離杭州止二百八
十餘里水陸俱通往來甚便與省城駐防滿兵
聲勢聯絡首尾照應該處駐劄滿洲水師官兵
實有裨益至乍浦城周圍九里三分距平湖縣

僅三十里城垣新經修理堅固城內有民間菜園稻地可買甚是寬闊且尙有零碎官基堪以湊建衙署營房民情無不樂從本年二月副都統臣偏圖回浙宣奉

聖諭水師兵數須得二千臣等查得康熙五十八年駐杭滿洲蒙古兵內奉調往雲南進藏時杭州添補滿洲蒙古兵一千名曾准部咨遇有事故缺出汰除不補等因在案今尙存未汰兵四百八十名將滿洲蒙古八旗另戶通數兵丁內挑選少年精壯者四百八十名再將滿洲蒙古八旗

另戶壯丁內少年精壯者挑選三百二十名合
爲八百名之數俟乍浦營房建造完竣之日先
令帶往學習水師之事水師營額內事故缺出
若無隨帶子弟頂補將杭州閒散壯丁挑選少
年精壯者頂補杭州額兵內事故缺出卽將杭
州壯丁選補如杭州乍浦兩處兵內或有老病
退甲伊等父子願就養膳俱聽從就養其新設
立水師營應添設官員兵丁或于京城或于江
南調撥來浙之處恭候

欽定候

旨遵行臣等管見杭州已派兵八百名作爲一營抑或
京城江南調撥八百名來浙其一千六百名分
爲兩營演習時一營存城看守一營帶領操演
輪流習學始能熟練至奉

諭旨設立二千名其所少四百名之數臣等查得乍浦
綠旗水師兵五百名係雍正二年於請更閩浙
等事案內部議特行添設自乍浦海口以及大
小洋山一帶令其永遠巡防奉

旨依議欽遵該營海汛與提標右營分界直至江南洋
面在營兵丁各有哨巡海洋把守汛地墩臺地

塞之責難以移動其浙省沿海水師各營兵丁
每年配船出洋者水性船務自必諳練若全於
一處抽調恐悞彼處洋汛巡防請於各營內按
兵數多寡均勻派定挑選四百名改爲新設滿
洲水師營之捕盜頭舵繚手阿板舢板舵手水
手等項之用其合二千名之數其各營兵額仍
令募充補足於沿海巡防仍可無悞此外如有
尙不敷用者暫著地方官另行雇募照例給與
工食俟滿洲水師熟練之後將雇募之捕盜等
仍行發回以節錢糧其乍浦水師營弁遇非巡

哨在洋之時即可令其幫同旗員教習滿兵水
務庶省隔汛另調之煩其杭州選撥水師共八
百名共議編爲八個佐領內滿洲每旗七十五
名共六百名編爲六佐領設協領二員卽著兼
管佐領只須添設佐領四員防禦二員驍騎校
六員每佐領下小撥什庫六名蒙古每旗二十
五名共二百名編爲兩個佐領添設蒙古佐領
二員防禦一員驍騎校二員每佐領下小撥什
庫六名或京城或江南挑撥官員兵丁亦照依
杭州先行派定之數駐紮原有滿洲蒙古漢兵

兵三千二百名將軍一員滿洲副都統二員漢
軍副都統二員伏祈

皇上或就於本省四員副都統內

欽定一員前往統轄或於京城另選賢能大臣統轄應
給關防及隨印筆帖式二員設理事同知一員
管理旗民事務其官員俸餉米石并撥什庫錢
糧俱照天津水師營之例支給每兵每月給錢
糧一兩五錢米三倉斗官兵俸餉米石卽於嘉
興府屬之解司錢糧米石內就近撥解乍浦城
按月支給至於官兵房屋應照天津水師官兵

之例給副都統房二十間協領房十五間佐領房十二間防禦房八間驍騎校房六間筆帖式房三間兵丁房二間候

命下之日

臣

李衛選擇能幹文職官員支領錢糧於乍

浦地方將勘定處所官基民地分丈撥購買造設營房工完核實報銷所有乍浦水師營船隻照天津水師船兵配駕之例大號趕艚船每船應用捕兵一名舵工二名繚手一名棹手二名阿板二名舢板二名水手二十名小號趕艚船每船應用捕盜一名舵工二名繚手一名棹手

二名阿板一名舢板三名水手十二名查天津水師營大號趕艚船每隻堪容八十餘人小號趕艚船堪容五十餘人每船需大礮五位小礮酌量配用海內水勢深淺風勢大小不一若兼造大小二號趕艚船隻不拘風勢大小小水勢深淺俱可撐駕共需用大號趕艚船十隻小號趕艚船十隻每船應隨帶小舢板一隻以足兵丁之用再查乍浦洋面附近江南多係沙塗與別處洋面不同若盡用趕艚船則駕駛不便利應于大小趕艚船數酌減改造南艚船四隻則洋

面可以適用其船隻及船上所需棧木舵枷櫓木樓旋繩繚索等項係屬緊要應行地方務須悉料理堅固其官兵應用器械仿照天津設立俱爲鳥槍水師巡防出哨火箭藤牌挑刀等項船上所用旗纛及演習所用藥彈俱照海洋趕艚船內配用數日照例交地方官製造給發應用營兵操演之時該臣等每年春秋二次分班前往查看操演精熟之口停其往巡臣等伏乞敕部議覆施行經議政王大臣等會議應如鄂彌達所請覆奏奉

旨依議

乍浦志
湖縣志

平

杭州將軍鄂彌達浙江總督李衛等會題杭州
滿洲營內派出官兵移駐爲左營八旗江甯滿
洲營內派出官兵移駐爲右營八旗左右兩營
經制兵額數共一千六百名爲十六旗每旗原
額領催六名甲兵九十四名領催共九十六名
甲兵共一千五百零四名八旗旗色係鑲黃正
黃正白鑲白正紅鑲紅正藍鑲藍左右兩營同
共爲十六旗旗左營鑲黃鑲白正藍三旗爲左
翼正黃鑲紅鑲藍三旗爲右翼右營正白鑲白

正藍三旗爲左翼正黃正紅鑲藍三旗爲右翼
左營正白正紅右營鑲黃鑲紅四旗爲蒙古翼
每翼協領一員五翼共五員每旗佐領一員十
六旗共十六員內五翼協領各兼一缺正缺十
一員每二旗防禦一員共八員每旗驍騎校一

員共一十六員官共設缺四十員

光緒嘉
興府志

兵部議准移杭州副都統一員駐劄乍浦領左
右兩營協領滿洲四員蒙古一員佐領滿洲八
員蒙古三員防禦滿洲六員蒙古二員驍騎校
滿洲十二員蒙古四員理事同知一員筆帖式

二員

乍浦
備志

七年移杭州右翼副都統傅森駐劄乍浦領左
右二營左營八百名自杭州移駐於八月分作
四起陸續赴乍浦新營駐劄奉

上

諭恩賞乍浦兵丁銀一萬兩交與該都統營運生息

如兵丁家有吉凶之費將息銀量給以濟其用

乍浦
備志

九月甯溫二廠造大號趕艚船五隻小號趕艚

船四隻南船二隻編爲甯字號六左營操演

又造大號趕艚船五隻小號趕艚船四隻南船

船二隻俱編謚字號

右營操演

八旗通志兵
制志營造志

八年正月十二日奉

上諭爾等議政處原議乍浦地方駐劄滿洲兵丁一千六百名此內挑選杭州餘丁八百名江甯餘丁四百名京城餘丁四百名令其披甲前往駐劄朕近詢問鄂彌達據稱江甯餘丁披甲者可得八百餘名等語今京城不必揀發四百名卽於江甯餘丁內著鄂彌達酌量挑選八百名令其披甲前往乍浦駐劄乍浦地方創設駐劄兵丁則補放管轄官員事殊緊要補放之員務將年富力强黽勉任事者揀選補授交與將軍鄂彌達著於江甯應補人員內揀補現任官員

內應行調補者揀選調補如江甯應補之員不能足數於杭州應補人員揀選補授現任官員內揀選調補之處著將軍鄂彌達與將軍阿里袞互商派委此兩處補授員缺著各該將軍題補倘兩處不能足數著將數目開明報部該部請旨具奏再由京城揀選人員補授發往此駐防之官兵移居起程著交與江南總督范時繹浙江總督李衛公同商議料理起身欽此

嘉興府志

十一年巡撫常安題准綠旗教習水手四百名酌留二百名其餘俟有缺出停其募補卽將滿

洲餘丁挑補嗣經部議於酌留二百名內止留

六十名

乍浦志

十二年將軍薩爾哈岱以滿洲水手兵未經熟習恐部議所留綠旗教習六十名不敷戰船之用題留一百一十五名其餘八十五名俟滿洲餘丁補足二百名後再行裁汰

乍浦志

十五年副都統額爾登又題留二名并裁南艚

船四隻

乍浦志

二十五年又裁大號趕艚船四隻小號趕艚船

四隻

平湖縣志

三十五年副都統舒景阿以滿洲陸續頂補之水手兵自乾隆十一年起至本年止共九十六名內尙有不足充用者題准酌留五十名其餘四十名俱著裁汰

乍浦
備志

三十六年准部咨水手四百名裁汰一百五十名額留捕盜正副舵工繚旋水手二百五十名

乾隆乍
浦志

乾隆五十三年杭州將軍寶琳奏乍浦兵丁孳生眾多生計不無拮据請每月賞銀一百兩於貧苦閒散內擇其身材好者挑選一百名每月

給銀一兩伊等挑拔甲兵後將所得銀一兩另行挑人奉

旨依議准行

乍浦備志
平湖縣志

五十四年滿洲餘丁陸續挑補五十名綠旗水

手留二百名

嘉慶嘉興府志

嘉慶七年巡撫阮元奏撥杭州駐防驍騎校兵

丁移駐乍浦防守海口

雷塘菴
弟子記

道光二十三年二月將軍特依順奏言乍浦爲浙江之藩籬而亦江蘇吳松之保障乍浦之守若固杭州固可恃以無虞江蘇亦可借以爲衛

是其緊要不亞甯波城外距大洋不過里許左
則山巒聯互右則塘岸袤延形勢散漫並無口
門原設葫蘆城礮臺一座已被夷礮轟毀相度
地勢一遇海口竊發不惟塘岸地勢平漫處處
可登其沿海一帶山形卑薄皆可攀越卽多建
礮臺亦恐未能得手況塘岸則路極偏窄山巒
則徑屬欹斜又有不容多建之勢若不整頓兵
技徒事興築仍爲無補事機此時惟有訓練兵
丁爲第一要務使其技藝日精膽氣日壯設遇
強寇憑陵不能勝之於水者或可勝之於陸至

馬防元四
於礮臺等項則當就舊有之基地興修以爲衝鋒之用未始不可卻敵正不待紛紛添造也疏入得

旨特依順等奏乍浦無險可守多建礮臺不能得力當以訓練兵丁爲要所見甚是卽責成該將軍等將該處滿營綠營官兵竭力整頓一洗從前惡習至地利所不足當以人事補之若因其無險可扼遂不置議設遇海上有警必致束手無策若仍於近海口處建礮臺設額兵一遇強寇轟擊勢必如前潰散尙安望其轉戰成功所稱或可勝之於陸臨敵必無把握也

著耆英劉韻珂會同該將軍相度形勢悉心籌畫

者

類微
初編

六月兵部議准巡撫劉韻珂奏旗兵素以騎射
爲重於洋面情形不甚熟悉飭令學習終屬隔
膜所設趕艚船隻水面兵額徒滋糜費自應就
其所長專習陸戰並練火器所有該營額設趕
艚船十隻滿漢水手二百五十名應全數裁汰
所裁之滿洲水手兵五十名卽改爲陸路旗兵
考選充補所裁之漢水手兵二百名卽抵補乍

浦營歸副將統屬

光緒平
湖縣志

咸豐十一年三月粵匪之亂闔營殉烈克復後
招集奉差奉調離營得免於難者僅存官兵四
十六員名均奏歸杭州營補用陞擢乍浦營未

經撥設

光緒嘉興府志
平湖縣志

杭州八旗駐防營志略卷九

仁和張大昌輯

科第志例

嘉慶四年禮部議覆湖南布政使通恩條奏各省駐防准其就近應文武童試核五名設額一名杭州駐防於杭州府考乍浦駐防於嘉興府考錄送學政取入杭嘉府學五年三月奉

上諭朕恭閱

皇考高宗純皇帝實錄參領金珩奏請將各省駐防滿洲蒙古漢軍官弁子弟於歲科兩試令該將軍考試

馬步箭卽送附近府院考取一事

皇考欽遵

皇祖考諭旨以駐防弁兵子弟有能讀書向學者聽其
來京應試若悉准其在外應考則伊等競尙虛名必
致騎射生疏操演怠忽將來更有何人充駐防之用
將該參領申飭事未准行仰見我

皇祖

皇考睿慮周詳誠恐駐防弁兵專習文藝再三

申諭意至深遠因思上年通恩條奏駐防事宜一摺內
稱請令駐防旗人另設學額就近考試入學再聽赴

京鄉試等語彼時朕尚未恭閱

實錄所載此條卽交軍機大臣議奏准行蓋因各處駐防兵丁較之雍正乾隆年間生齒增倍而披甲名糧例有定額概令食糧當差則人浮於缺勢有所難若徒手嬉遊毫無所事必致習於非義其有能讀書向上通曉文義者如必令遠赴京師應試資斧又恐不給是以准就近應歲科試以廣進取之階我滿洲根本以騎射爲先若八旗子弟專以讀書應試爲能必將輕視弓馬怠荒武備殊失國家設立駐防之意嗣後各省駐防官弁子弟不得因有就近考試之例遂

荒騎射本業著該將軍都統等通行飭諭各官弁等
訓練子弟以騎射爲首務其攻肄舉業者仍當嫻習
騎射務臻純熟以仰副

皇祖

皇考教育八旗諄諄垂

訓及朕多方造就之至意將此通諭知之七月奉

旨定各省駐防生員仍歸佐領約束文藝由府學教授

課閱部議凡鄉試由國子監咨旗轉咨各直省

鎮守將軍咨送監錄科先於四月到京考試馬
步箭由將軍酌量程途遠近覈定起程日期赴

京聽考九年浙江巡撫阮元奏請駐防生員就近於駐防省分應文闈鄉試奉

上諭大學士保甯等會同禮部議駁阮元奏請駐防生員就近准其鄉試一招所駁是各省設立駐防以寓武備國家立法自有深意其子弟遵守淳僕之風祇應以練習騎射爲本務原不責以通曉文義特因承平日久家絃戶誦其中有嚮學讀書之人未便阻其上進是以准令就近應考入學已屬格外恩施至願應鄉試者自應赴京與考定例鄉試錄科與在京八旗舉子先應考試馬步箭合式者方准入場以示不

忘肄武之意若如阮元所奏欲令就近鄉試另編字號取中已屬格礙難行且各省應試人數多寡不齊若紛紛奏請另立中額實於體制未協並恐駐防八旗競思以文藝進身轉置騎射於不問必致拋荒本業流爲文弱漸失舊風殊有關係況京師爲八旗子弟世居顧名思義豈可入外省鄉試乎此事若係滿洲大臣陳奏尙當加之懲處姑念阮元係屬文臣未能通曉八旗政務尙可不加責備然其事斷不可行特迺諭各省駐防咸喻朕意欽此十八年奉

上諭各省駐防官兵子弟准其於本省就近考試入學

因鄉試必須來京道途遙遠者每以艱於資斧裹足不前現在駐防旗人並議准就近應武童試嗣後各省駐防子弟入學者卽令其於該省一體應文武鄉試於造就人材之道較爲有益其如何編號定額取中之處著禮兵二部妥議具奏欽此遵

旨議准各直省學冊內駐防生員除直隸各駐防仍歸順天鄉試毋庸覈計外應請自二十一年丙子科爲始各省駐防生員於本省鄉試編立旗宇號另額取中學政錄送十名准取中一名其零數過半者亦准其照官卷例再取中一名將來

人數增多總不得過三名以示限制內有願報捐貢監應試者亦准其就近一體鄉試並於入場時照依順天鄉試之例另編坐號毋令與民籍士子互相攙混再各駐防生員應試時仍由各該駐防將軍副都統等考射馬步箭台式者再行咨送學政錄科以符定制道光二十三年閏七月奉

上諭國家分設八旗兵丁駐防各省立意至爲深遠嗣因生齒日繁披甲名糧例有定額勢不能概令食糧當差而各弁兵子弟亦有讀書向上通曉文義者聽

其應試以廣進取之階所以造就人才體恤旗僕者無微不至但思八旗根本騎射爲先清語尤其本業至兼習漢文亦取其文義清通便於繙繹乃近年以來各駐防弁兵子弟往往驚於虛名浮華相尙遂至輕視弓馬怠荒武備其於應習之清語視爲無足重輕甚至不能曉解朕恭閱嘉慶五年

皇考諭旨各省駐防人等准於該省考試文生原係於伊等格外恩施若專務此而廢棄清語騎射卽停止此例不准考試亦屬應該俟清語騎射演習熟練時方准考試等因欽此仰見我

皇考聖慮周詳

訓誡諄諄之至意因思清語騎射全在該管大臣官員等平日盡心訓飭操演而弁兵子弟亦必令藉此進身方能益加勸勉現在武關鄉試各省駐防一體與考應試之人弓馬如果熟嫻不患無登進之路其應文試者必應試以繙譯庶不至專習漢文轉荒本業除本科各省文鄉試仍照例准其應考外嗣後各處駐防俱著改應繙譯考試俾有志上進者咸知非熟習清文不能倖邀拔擢自必爭相磨勵日益精通其各該將軍副都統等尤宜隨時訓練董勸兼施毋得

視爲具文因循積習以副朕崇實黜浮之意其考試一切章程及繙繹章試進額鄉會中額應如何酌定之處著軍機大臣會同該部悉心詳議具奏將此通諭知之欽此

科場條例

軍機大臣會同禮部議奏除例應

順天鄉試各生及駐防現任京官之子弟隨任在京者俱照舊辦理外定各省駐防考試繙繹章程條例一各省駐防生員既改爲繙繹鄉試貢監兩項亦應專試繙繹不准應文闈鄉試以昭畫一一各省駐防舉人既經改應繙繹會試應仿照京旗奏請中額之例另開駐防繙繹舉

人應試人數清單恭請

欽定駐防中額一各省駐防繙繹鄉試照文鄉試之
例仍歸各省以昭體恤俟該省文闈士子三場
完竣後於十七日點名入場並派佐領二員入
場彈壓十八日發題考試十九日出場所有試
卷專差送部俟各省試卷到齊由禮部奏

派閱卷大臣在

午門外朝房公同校閱擬定名次粘簽進呈後交
禮部開拆彌封填榜鈐蓋堂印交兵部飛遞該
省旗營張掛其中式卷卽交禮部收貯至閱卷

及執事人等一應供給俱照

殿試例劉光祿寺備辦一各省駐防蒙古繙譯惟
蒙古人方准考試七八名取中一名於奏請

欽命題目時將蒙古繙譯題目一併發下如該省無
考蒙古繙譯之人或不足取中之額其蒙古繙
譯題目毋庸拆封與已經拆封之滿洲繙譯題
目一同賞回恭繳一各省駐防繙譯鄉試題目
仿照京旗舊例辦理繙譯鄉試一場試以四書
文清字論題一道滿洲蒙古繙譯題各一道滿
洲用漢文蒙古用清文禮部於題

派該省文鄉試考官本內夾片聲明恭請

欽命題目封固隨同該省文鄉試題本一併發下由

部加封粘貼印花發交該省

派出之文闈主考官帶往親交監臨於繙譯士子點

名日由監臨擇嚴密處所刻刊頒發局門考試

其題目紙隨同試卷解部以備查核一各省駐

防繙譯鄉試題目必須繕寫刊刻由該將軍等

預派隨印筆帖式一二員於十六日文闈士子

出場後卽行入場以備繕寫俟繙譯士子出場

後方准該筆帖式出場以慎關防一各省駐防

繙譯士子入場點名散卷收卷彌封等事責成
監臨酌留文闈入場官員數員接辦其吏役人
等及一切巡察事宜亦由該監臨酌量辦理一
各省駐防鄉試由該將軍副都統城守尉等派
員臨場識認以杜頂替之弊一各省駐防鄉試
每十名取中一名過半者增一名至多不過三
名以示限制一各省駐防繙譯中式舉人於會
試前一月令其來京由禮部奏請

欽定日期在

殿廷覆試其中式原卷卽由

派出之閱卷大臣一同核對文理筆蹟覆試後再由
禮部咨送兵部驗看騎射合式者方准會試如
實有患病等項事故不能覆試者照順天文鄉
試之例以下三科爲限補行覆試倘有托故不
到三科內並未覆試者顯係規避永遠不准會
試亦不准赴吏部銓選一各省駐防繙譯試卷
繙譯鄉試完竣後限次日卽由監臨派員起解
限五十日內通行解部如逾限不到者由部指
名參處一各省駐防繙譯試卷用堅厚細紙長
一尺寬四寸爲準卷前空白九幅以八幅印草

稿起止餘一幅以便彌封連贍眞十六幅共二十五幅每頁用紅色分爲五行清文書於直行上共四行毋庸橫格鄉試由該省布政使司造辦錄科及童試均由該將軍副都統城守尉等造辦務令該士子前期十日投卷親身書寫卷面填明年歲及滿洲蒙古漢軍佐領並註明應滿洲繙譯或應蒙古繙譯字樣鈐用印信關防以杜弊混一各省駐防繙譯錄科由該將軍副都統城守尉等先看馬步箭合式者方准錄科送考其不能者停送一錄科滿洲用漢字繙譯

題一道蒙古用清字繙譯題一道於鄉試年分
五月內先考繙譯錄科後考繙譯童生均黎明
入場日入出場不准給燭由該將軍等出題考
試錄送後卽將錄送之卷並題目紙解部以備
核對筆蹟其新進各生照例無須錄科卽由該
將軍副都統等驗看騎射合式者徑送鄉試一
各省弁兵子弟有願應童試者俱由該將軍副
都統先看騎射合式者方准與考卽由該將軍
副都統出題屬試憑文取進仍將所取之卷送
部奏

派大臣在

午門外禮部朝房磨勘以昭慎重一各省駐防繙
譯童試題目滿洲繙譯用漢字繙譯題一道蒙
古繙譯用清字題一道題紙隨卷解部一各省
駐防繙譯童試滿洲蒙古童生五六名取進一
名至多不得過五名以示限制云云於八月二
十日具奏奉

旨依議欽此此杭州駐防八旗官兵子弟停止文闈鄉
試改試繙譯之案也道光三十年六月安徽學
政李嘉端奏請復各省駐防文闈鄉試禮部議

覆駁稱數年以來尙恐遠溼遐陬敦本務實之風漸摩未徧徐議改圖庶於

兩朝聖訓皆不稍背至咸豐十一年因大學士祁寯藻奏請奉

上諭各省駐防向來本有考取文舉人生員之例至道光年間改爲繙譯將舊例停止現在繙譯考試各省遵行已久嗣後著於駐防繙譯科甲外仍復駐防考取文舉人生員之例均准其鄉會試與繙譯一體錄用以廣登進該部知道禮部劄開通行各省駐防所有中額學額遵照道光二十三年以前一體辦

理維時舊章甫復應試人數往往不足十名迭經以不敷中額停止爲杜冒濫況值兵燹初平浙省駐防被劫較重肅清以後由軍營咨送歸旗造冊收集十不存一弁兵尙多缺額調取他省駐防赴杭充補檔冊是以文闈鄉試中額久虛洎同治十二年六月杭州將軍咨稱鑲白旗滿洲前鋒文生鍾奇原名奇朗阿同治七年在福州歲試取進撥入府學九年奉調來杭補額茲屆癸酉科鄉試志切觀光惟杭州駐防自遭兵燹歷屆鄉試尙無應試之人現在僅有文生

二名不敷中額該生等本係福州駐防調撥來杭可否暫令仍回福建駐防應試俟浙江駐防人數足額再行改復舊章部核覆駁稱查停止駐防鄉試省分其未能應試士子從不准赴別省應試今該生等既經撥入杭州若仍令回福應試恐啟將來跨考等弊且停止駐防鄉試省分紛紛效尤亦復漫無限制所有調撥杭州文生鍾奇等仍回福州應試之處應不准行益一經調撥彼省檔冊開除卽嚴定跨考關防故光緒十一年部覆杭州將軍咨文稱四川駐防繙

譯舉人恆明據該將軍咨稱其子博勒霍善由成都撥杭當差該舉人於癸未科會試晉京在途患病經其子迎養來杭病軀道遠難以回川除由成都將軍將該舉人成都駐防正藍旗滿洲炳煜佐領下領催錢糧另行挑補外應如所咨將四川駐防繙譯舉人恆明准其附入杭州當差其子孫應試不准再回成都駐防跨考先是將軍咨稱浙省自同治三年舉文闡鄉試八次而駐防以人數不足停止頗覺向隅查科場條例內開同治五年奏准駐防文鄉試定例每

十名取中一名零數過半增中一名至多不得過三名其未足十名者卽比照零數過半取中一名之例覈其人數已及六名方准取中一名部覆稱以浙省駐防近年學冊文童已陸續取進有人數年後自不難積成盈數鄉試爲掄才大典若以暫時變通之舉歷久奉行不特定例幾成虛設且恐遷就充數轉無以拔取真才仍遵照定例每十名取中一名零數過半者增中一名至多不得過三名其不及十名者卽照駐防繙譯鄉試不敷中額停止舉行之例辦理以

重科名而符定制同治五年奏准變通中額之
案一併查銷至光緒十一年乙酉科杭州駐防
文闈鄉試額中一名十三年戊子科杭州駐防
文闈鄉試額中二名十五年己丑

恩科杭州駐防文闈鄉試額中式三名十七年辛卯
科中式三名十九年癸巳

恩科中式三名

杭州八旗駐防營志畧卷九

杭州八旗駐防營志略卷十

仁和張大昌輯

鄉會試題名表

進士

舉人

乾隆壬午科

巴泰

順天鄉試中式第
名滿洲

旗人字虞尊官光祿
寺丞

乾隆

科

福申

順天鄉試中式第
名詳進士

嘉慶辛未科

福申會試中式殿試三
甲第一百十六名
宇禹門滿洲正黃旗
人以翰林院庶吉士
用散館授職檢討陞
翰林院侍講道光丙
戌督學江西

嘉慶

科

觀光順天鄉試中式第
一名滿洲正白

旗人官順天教授仕
至兵部主事

嘉慶丙子科駐防省分就
近鄉試設額

自是
科始

昇祿浙江鄉試中式第
七十五名字雲皋

滿洲鑲黃旗人赫舍
里氏

成興浙江鄉試中式第
一百二名字

滿洲正紅旗人喇
喇氏官內閣中書授

直隸新樂縣知縣

裕福

浙江鄉試中式第
一百一十一名滿洲

鑲紅旗人字秋生巴
雅拉氏官繙譯筆帖
式

嘉慶戊寅

恩科

連山

浙江鄉試中式第
三十八名滿洲鑲

藍旗人字吉芝伊爾
根覺羅氏考取國子

監助教簡放海門同
知縣署興化縣知縣

江甯鎮江等府知府
授揚州府知府雲南

大理府

知府

裕貴

浙江鄉試中式第
六十八名滿洲鑲

二

紅旗人字乙垣又字
八橋巴雅拉氏官禮
部員外郎

觀成

浙江鄉試中式第
八十二名滿洲正

黃旗人字葦杭瓜爾
佳氏大挑一等四川
川南縣知縣歷任碧
山長樂等縣知縣

嘉慶己卯科

東玉

浙江鄉試中式第
三十三名滿洲

潤齋

旗人字

喀朗

浙江鄉試中式第
六十名滿洲正紅

旗人字清堂大挑二
等選國子監助教

音善

浙江鄉試中式第
八十三名滿洲鑲

紅旗人
字朗齋

道光辛巳

恩科

赫特赫訥

浙江鄉試中
式第二十五

名詳
進士

喀福爾善

浙江鄉試中
式第六十二
名滿洲正紅旗人字

聽秋官

部堂主事

道光壬午

恩科

赫特赫訥

會試中式
三甲第四

十五名滿洲鑲黃旗
人字滿香以翰林院
庶吉士用散館歸班
銓選詹事府主簿陞

贊善旋改禮部主事
 揀發河南以道員用
 署淮海兵備道以勞
 績加按察使銜咸豐
 九年赴浙催餉十年
 以協守杭州駐防營
 功賞加二品頂帶
 並賞戴花翎授蘇
 松常鎮糧儲道奏留
 杭州幫辦軍務
 年陣亡奉例
 旨議卹如例

道光壬午科

萬清
 浙江鄉試中式第
 三十二名滿洲鑲

白旗人字花農官江
 西萍鄉縣知縣候補

直隸州同知縣候補
 賞戴藍翎

訥勒亨額
 浙江鄉試中
 額式第六十二

名滿洲正黃旗人字

瑞常 浙江鄉試中式第
九十一名 詳進
士

道光乙酉科

伊勒哈圖 浙江鄉試中
式第四十七

名滿洲鑲黃旗人字

勞樓大挑二等選授

國子監助教揀發湖
北補授隨州知州歷

署郎縣橋峯

等縣知縣

薩音訥 浙江鄉試中式

洲鑲藍旗人字若魯
大挑一等分發安徽

署南陵縣知縣

盛隆

浙江鄉試中式第
九十一名滿洲鑲紅

旗人字際清
取七品小京官

道光戊子科

蘇呼訥

浙江鄉試中式
第八十一名

詳進士
特赫訥弟

桂蘅

浙江鄉試中式第
八十一名蒙古鑲

黃旗人
字小山

道光辛卯科

有善

浙江鄉試中式第
四十五名滿洲鑲

道光壬辰科

瑞常

會試中式殿試二甲第七名以翰林

院庶吉士散館改翰林

修官至文淵閣協辦

大學士歷轉翰林

貳任各部左右侍郎

杭州八旗理戶部三庫錢法堂

紅旗人

善能

浙江鄉試中式第

紅旗人音善子字

順成

浙江鄉試中式第

藍旗人

字霽樓

事務歷磨道光甲辰
料福建鄉試大主考
己酉科山東鄉試大
主考咸豐辛亥己未
同治壬戌甲子丁卯
庚午科順天鄉試大
總裁予諡文端奉
旨宣付
立傳

道光壬辰

恩科

盛元
浙江鄉試中式第
七十一名
詳進
士

慶瑞

浙江鄉試中式第
八十二名
前洲正

藍旗人字雲五辛酉
子占貴占裕占成陣

道光癸巳恩科

蘇呼訥會試中式殿試

名滿洲鑲黃旗人字

寶峰號笑梅以主事

用義分工部升員外

郎堂郎中調簡放宣

化府知府山西綏歸兵

知府升山西綏歸兵

備道

道光甲午科

例加
非殉難奉旨議卹
凶率家人二十人投

馮克塔春浙江鄉試中

名滿洲鑲藍旗人字仰山

瑞慶浙江鄉試中式第

士瑞
常第

伊克機善

浙江鄉試中式第七十二

名滿洲漢藍旗人字

仰雲由國子監典簿

揀發知州署理江

道光乙未

恩科

英瑞

浙江鄉試中式第五名滿洲鑲

白旗人

字仙槎

恆泰

浙江鄉試中式第七名滿洲鑲黃

旗人

字月帆號履安

大挑一等

知縣辛酉陣亡奉

旨議卹如例

道光丙申 恩科

盛元 會試中式殿試三

藍旗蒙古人巴魯特

氏字韻琴號愷庭以

知縣卽用籤分江西南

補餘干縣知縣升南

康府知府

候選道

瑞慶 會試中式殿試三

紅旗蒙古人字雪堂

以知縣銓用選湖北

鄖縣知縣改省直隸

縣任宣化清苑縣知

直隸州知州遵化州

以道員歸州嗣開缺

道光丁酉科

杭州 八旗 卷十

七

文元 浙江三十四鄉試中式第

字 蒙古人 仲芳

濟爾哈春 浙江鄉試中

名正藍旗滿洲人字藍旗滿洲人字徐生

道光己亥 恩科

文瑞 浙江鄉試中式第

滿洲人喀爾福善子

字 周號冠梅癸丑

文秀 浙江鄉試中式第

藍旗人字慰生號吟

香又號清士大挑二

等選授國子監典簿升內閣中書

道光庚子科

塔爾翰圖

浙江鄉試中式第六十六

名滿洲正藍旗人字二如

道光癸卯科

貴成

浙江鄉試中式第六十七

成勝

浙江鄉試中式第六十八

藍旗人字蓉卿依爾根覺羅氏連山兄棟

選知縣以軍功保升同知縣賞戴藍翎辛酉陣亡奉旨議卹如例

道光甲辰

恩

科

奉旨

始停止各省

試

防

文閣

試改繙譯

鄉

浙

省

以人數末數

丙

午

科

停設中額

江

繙

譯

己酉科

試

江

繙

辛亥

恩

科

試

壬子科

乙

卯

科

午科

試

江

繙

恩科

二

江

繙

式八人

科

凡

設

未詳合錄

於

左

次

勝靈

正

紅

旗

洲

人

成清

西陣
議卹如例
繙譯鄉試中式
旗人辛

西陣
議卹如例
奉旨

長庚

繙譯鄉試中式
正藍旗滿洲人辛

西陣
議卹如例
奉旨

恆海

繙譯鄉試中式
旗人

賞戴花翎候補知府
辛酉陣亡奉旨議卹如例

例

雅爾哈禪

繙譯鄉試中式
旗人辛酉陣亡奉旨議卹如例

旨議卹如例

額特亨

繙譯鄉試中式人

辛酉陣亡奉

旨議卹如例

吉勒圖堪

繙譯鄉試中式

人辛酉陣亡奉

旨議卹如例

祥英

繙譯鄉試中式

辛酉陣亡奉

旨議卹如例

道光庚戌

恩科

以停止鄉試中

額文舉人一

律改試

貴成

繙譯會試中式

錦泉以主事用籤分
戶部職方司升員外
郎堂郎中監督倉務
簡放熱河兵備道

同治乙丑

恩科

至光緒

壬午科

咸豐十一年復設
駐防鄉試中額浙

省自乙丑至壬午鄉試八
次駐防均以人數未敷停

止設額

光緒乙酉科

恩長

浙江鄉試中式第

黃旗人字紫綬號浩然甯古塔氏

光緒戊子科

榮培

浙江鄉試中式第

滋旗人字詞臣號藍卿徽墨斯氏

哈卜齊

浙江鄉試中式第

名滿洲鑲白旗人字仁卿號子翁瓜爾佳氏

光緒己丑 恩科

鼎銘

浙江鄉試中式第

白旗人字鐫三
號肖雲蘇吳氏

乃虞 浙江鄉試中式第
八十六名滿洲鑲

藍旗人字舜臣號和
甫伊爾根覺羅氏

松福 浙江鄉試中式第
一百二十五名滿

洲鑲白旗人字盛三
號如山瓜爾佳氏

光緒辛卯科

聞韶 浙江鄉試中式第
六十六名蒙古正

紅旗人字樂甫號簫
九託爾齊爾氏

佛照 浙江鄉試中式第
八十七名滿洲正

白旗人字亦坪號榴
村富察氏

仲鳳

浙江鄉試中式第
九十四名滿洲正

紅旗人字昌壽號儀
庭佟啟氏

光緒癸巳

恩科

文煥

浙江鄉試中式第
五十一名蒙古正
白旗人

吉爾哈春

浙江鄉試中
式第八十四
名蒙古鑲白旗人

存炳

浙江鄉試中式第
百二名滿洲正藍
旗人

杭州八旗駐防營志略卷十一

仁和張大昌輯

籌海志防

道光二十年庚子六月初八日英吉利洋船駛入浙江甯波府定海縣城滋事

東華續錄

將軍奇明保奏杭州鼉子臺爲江海要衝見議屯兵潮神廟以防窺伺又奏搜查漢奸諸事宜報

問者獻類
徵初編

二十四日洋船由定海洋面闌入乍浦海口發

礮副都統長喜督駐防八旗官兵等擊之佐領防禦盈魁恆全寔定全盛等力戰中礮陣亡我

軍奮勇前進攻勦洋船退出乍浦口岸

王寅殉難錄附

錄中
西紀事

副都統長喜由驛馳報乍浦戒嚴情形奉

上諭乍浦兵力單少亟須撥兵赴援惟見在杭州省城不可無大員彈壓著奇明保遴委將弁選派兵丁星夜赴乍浦接應相機堵逐時將軍奇明保聞乍浦寇警已親率將弁馳往應援奏入

上命奇明保回杭城守禦更換杭州副都統恆興帶兵

前往會同長喜協守

耆獻類
徵初編

七月癸巳

命伊里布爲欽差大臣馳赴浙江辦理軍務

耆獻類
徵初編

已亥將軍奇明保奏洋船被擊後退竄外洋哨
探無蹤見已厚集兵力修繕戰具卽有匪船續
至足資防堵奉

上諭見在匪船雖退守禦仍宜嚴固奇明保著仍遵前
旨折回杭州省城恆興著暫駐乍浦會同長喜妥爲
防守是月奇明保馳回杭州省城尋奏防禦事宜及

乍浦設備情形

東華續錄
耆
獻類徵初編

八月英吉利兵船由定海洋面游奕南至石浦
北至乍浦分頭潛探復駛至鎮海洋面旋停旋
去

東華續錄

十一月伊里布專弁前往定海

東華續錄

將軍奇明保奏言見蒙欽差大臣往粵查辦該
夷必赴粵聽候定海夷船亦必漸撤此後乍浦
祇宜加意防範不可擅動該處駐防滿兵以及
水師有長喜督率足資守禦恒興應回杭州本
任提調赴援官兵及防守潮神廟屯兵均請一

律撤回

耆獻類徵初編

十二月己未

上諭沿海各將軍嚴密海防

東華續錄

二十一年辛丑正月

命伊里布剋日進兵收復定海

耆獻類徵初編

伊里布奏英人兵船全數起旋繳還定海

東華續錄

乙巳奉

上諭伊里布回兩江總督本任署兩江總督裕謙平日

辦事尚稱勇敢作為欽差大臣迅速馳赴浙江鎮海

軍營勦辦

中西紀事東華續錄

上諭前因逆夷占據定海特命伊里布為欽差大臣降

旨令迅速進兵不必俟廣東咨會卽行攻剿乃伊里布不遵諭旨惟知順從琦善屢次奏報始以兵礮未集藉詞緩攻繼以接得定海之札卽信以爲實已有旨令折回本任命裕謙馳赴浙江作爲欽差大臣會同提督余步雲迅速勦辦本日據裕謙馳奏逆夷未受懲創仍行前進一摺所奏均是朕竚望該大臣迅奏膚功懋膺上賞斷不可因該夷見有繳還定海之說稍事遲迴又墮逆夷詭計

耆獻類徵初編

二月欽差大臣裕謙奏陳勦辦情形癸酉奉

上諭裕謙辦理尙屬周安定海旣無礮位著於沿海地

方酌量抽撥解往以資抵禦

東華續錄

三月召伊里布來京以裕謙補授兩江總督

耆獻

類徵初編
中西紀事

四月己丑

命裕謙仍爲欽差大臣督辦浙江防堵

東華續錄

命裕謙酌量江浙兩省適中之地在彼駐紮以便策應

耆獻類
徵初編

五月浙江定海鎮海等處洋面時有英吉利兵

船遊奕欽差大臣裕謙遣兵節次焚勦並誅其

彝目一人

東華續錄
中西紀事

上諭裕謙仍往浙江或駐嘉興或赴鎮海酌量情形自

行辦理

書獻類
徵初編

六月二十九日欽差大臣裕謙統領奏帶來浙

之江甯駐防入旗勁旅並徐州鎮兵山嘉興起

行前赴鎮海籌辦攻剿

中西
紀事

八月福建廈門陷欽差大臣飛檄總兵葛雲飛

會同鄭國鴻王錫朋統各鎮兵赴定海扼其內

犯之路

東華
續錄

十二日英人濮鼎查郭士利等統帶大小火輪

兵船二十九艘再犯定海

中西
紀事

十三日彝船以四舟駛進竹山門總兵葛雲飛

等開礮轟擊斷其頭船大桅旋即竄去

東華續錄中

西紀事

十四日英兵由竹山門登岸總兵鄭國鴻督兵

抵禦

東華續錄中西紀事

十五日英人登五奎山支搭帳房

東華續錄

十七日英人分路進攻以小舟渡兵登岸撤舟

死戰首陷曉峯王錫朋陣亡壽春鎮兵潰有頃

竹山門潰鄭國鴻死葛雲飛扼道頭街之市埠

巷戰半面被削猶持矛殺數人植立崖石歿是

役血戰七晝夜前後殲彝千餘斬濮鼎查安德

突二酋終以無險可扼三鎮陣亡

東華續錄
中西紀事

八月欽差大臣裕謙分派各鎮兵以笠山爲外障以招寶山爲內屏因余步雲本宿將當山威遠城誓師於神余步雲以疾不至

中西
紀事

二十六日英船泊鎮海裕謙親援枹鼓進戰英人攻招寶山攀登山後威遠城失守金雞嶺守將中礮死兵潰彝兵自北門入裕謙死之

東華
續錄

中西
紀事

二十九日英人郭士利以大小兵船八艘泊甯

波府城靈橋門下開礮府城陷

東華續錄
中西紀事

授奕經爲揚威將軍戶部左侍郎文蔚爲參贊大臣調

兵赴浙進剿

中西
紀事

上以杭州省城尤關緊要諭巡撫劉韻珂會同奇明保

恒興相機設法竭力保守以待大兵

耆獻類
徵初編

九月英人由甯波闖入餘姚縣城破監放犯折
毀衙署縣庫尋復退出又至奉化縣境量水窺

探

東華
續錄

已未

命參贊大臣特依順改赴浙江

東華
續錄

十月英人入奉化縣旋退出

東華續錄

十一月將軍奇明保偕劉韻珂恒興奏請留江

甯旗兵防守曹娥江調壽春兵保衛省城

耆獻類徵

初編

十二月十五日英人入慈谿縣城仍退出

東華續錄

十七日英人以雙桅船四隻小船二十餘艘駛

進乍浦所轄之彩旗門泊燈光山外

東華續錄平潮縣志

十八日西北風甚洋船由乍浦退泊秦駐山

平湖志

縣志英人以火輪船二艘駛進海甯州尖山旋

復退去

東華續錄

十九日夾板洋船二隻復進泊乍浦菜薺門駐

防協領英登佈督兵燃礮中舟首遽浮沈出口

又燃礮擊中第二舟尾舵遂俱遁

平湖縣志
鐫青談藪

二十二年壬寅正月揚威將軍奕經統大兵過

杭州次紹興府

中西
紀事

二十三日揚威將軍奕經統大兵駐慈谿東門

分派兩軍南指甯波北指鎮海參贊文蔚統大

營駐長谿嶺陝甘兵駐大寶山爲中路聲援鄉

勇駐甯鎮交界之駱駝橋以爲南北軍策應募

投彝之漢奸爲內應以月晦舉事

中西
紀事

二十六日師期爲應募者漏洩南北軍見事急

二十八日先期進剿分襲甯波鎮海皆不克鄉

勇夜驚入大寶山方擬收集爲敵所乘

中西紀事

二月初四日英兵由小西壩過夾田橋攻大寶

山我軍發扛銃自辰至酉擊斃英兵數百人忽

英人增兵由聚坂橋登岸襲後路兵潰長谿嶺

慈谿山營被焚參贊文蔚退守紹興府城

東華續錄

中西紀事

命揚威將軍渡江應援尖山一帶

東華續錄
中西紀事

十七日庚子耆英署杭州將軍伊里布以七品

頂戴赴浙江軍營

東華續錄
中西紀事

丙子奉

上諭前因奇明保年逾七旬精力就衰降旨耆英馳往
浙江署理杭州將軍因念省城根本重地防堵尤關
緊要將軍參贊分駐各處要隘止有特依順一人帶
兵在省恐不足以資控制耆英著頒給欽差大臣關
防馳驛前往浙江省城會同特依順嚴密防守如兵
力尙單應調本省及他省官兵卽著斟酌情形一面
飛檄調取一面由驛具奏尙有疏虞惟依特順是問
劉韻珂身任巡撫守土是其專責一切防堵事宜亦

著會同籌辦至浙省沿海各處口岸仍責成奕經文蔚齊慎擇要防守相機攻勦該將軍大臣等惟當協力同心以期戰勝守堅毋負委任

東華續錄

二十五日英人船隻游奕海甯州海口外寄旋

於鳳凰山

梯雲堂紀事

楊威將軍奕經赴海甯州查看情形

中西紀事

三月二十六日英兵忽出甯波分撥大小船隻

專守鎮海招寶山要隘其大隊火輪兵船悉由

定海駛出大洋

中西紀事

四月初七日午刻英人駛火輪船二隻大小洋

船二十餘隻由乍浦所轄之黃盤山東首洋面
游奕未刻火輪船拖帶杉板船自彩旗港駛入
西行停泊旋復往來游奕署將軍耆英函致副
都統長喜會同揚威將軍派令員弁率兵勇晝
夜防守並令伊里布帶員馳往設法羈縻東華續錄
初九日英人將大小船隻排列陣勢連檣而進
又另以杉板小船十餘號每船十人二十人不
等分泊西山嘴唐灣山等處官兵分禦接仗前
鋒祥印祥成機爾哈春碩隆武蘇繙祥貴均受
重傷生擒英人十六名英人大船開礮直向內

偏復分兵從龍湫山僻徑掩擊綠旗汛兵出鬪
互有死傷彝兵益以精悍適火器不濟失利駐
防官兵分守天尊廟觀山一帶並整隊堅守駐
防內城

平湖縣志

王寅殉
難錄中西紀事

初十日英人分股舍舟由燈光山等處登岸火
箭齊發副都統長喜禦守葫蘆城受傷協領英
登佈力戰被矛死副都統長喜傷重投水前鋒
校賞阿佈護救回鎮城佐領隆福額特赫貴順
設伏天尊廟彝眾越嶺隆福等率所部火器齊
發英兵被創者以百計勢稍卻適唐灣山別隊

英兵乘勝行過船中援兵亦至佐領額特赫防禦貴順中礮死彝兵縱火焚廟廟僧達真與徒王林力救爲所支解火起隆福突圍出英兵窮追揮所部先行掣佩刀奮刺彝兵數名力竭自刎部卒得保全者四十三人驍騎校伊勒哈春轉戰觀山伏林中射殪彝兵甚眾矢盡爲所執被礮根順迎戰觀山灣中礮死英人進攻乍浦城理事同知韋逢甲率勇沿塘防堵礮中左脇死協領該爾杭阿守北門或勸去頂帽以避怒叱之卒巷戰歿城陷副都統長喜退至三塔灣

傷重死是役死天尊廟火者二百人觀山戰歿

者五十餘人守營陣亡者興柱壽成等二百六

十七人

東華續錄
王寅殉難錄

平湖縣志
中西紀事

是夜潮落岸隔水數十丈皆沙淖葬在陸者不
得歸船急棄城出沿岸撩望懼有援師截擊及
曉湖上咸倉猝以杉板船登火輪船遂駛出彩

旗口門

鐫青
談藪

乙巳以洋船退出乍浦

命各海口

申嚴兵備

東華
續錄

十五日洋船游奕尖山偵探海口以沙線曲折

不敢深入

梯雲堂紀事

五月初一日己丑伊里布以四品頂戴署乍浦

副都統

東華續錄中西紀事

賜予傷亡副都統長喜祭葬卹蔭及乍浦駐防協領佐

領各官兵卹典有差

東華續錄

六月將軍特依順奏准乍浦滿營官兵眷屬統

歸嘉興府城暫行駐紮

耆獻類徵初編

七月將軍特依順奏前者乍浦失陷之日滿營

陣亡弁兵業經由揚威將軍奕經奏請

恩施今續經查出尙有殉難男婦子女五十五名請

造冊送部照例旌獎以慰忠貞又奏乍浦陣亡
甲兵空缺不敷挑選因該營改爲陸路原設水
手兵丁五十名應請裁撤請於此項兵丁內擇
其技藝可觀者挑補

者獻類
徵初編

八月癸丑

命浙江軍營分撤歸伍

東華
續錄